

02.06.2020.

Poziv potencijalnim korisnicima bespovratnih sredstava za mjeru ublažavanja negativnog uticaja COVID-19 na poljoprivredno-prehrambeni sektor.

Projekat Evropske unije EU4Business objavio je danas javni poziv potencijalnim korisnicima bespovratnih sredstava kako bi se ublažio negativan uticaj COVID-19 na poljoprivredno-prehrambeni sektor u Bosni i Hercegovini.

Javni poziv ima sljedeće ciljeve:

1. doprinijeti ublažavanju negativnog uticaja epidemije COVID-19 na poljoprivredno-prehrambeni sektor u BiH;
2. optimizacija operativnih troškova, održavanje produktivnost, likvidnosti i konkurentnosti poljoprivredno-prehrambenog sektora u BiH;
3. podrška stabilizaciji postojećih lanaca vrijednosti od primarne proizvodnje do prerade i plasmana proizvoda na tržište; i
4. promovisanje prakse održivog razvoja uključujući bolje upravljanje prirodnim resursima i očuvanje okoliša i zaštitu ljudi, prvenstveno radnika ili poljoprivrednika.

Prihvatljivi podnosioci prijava za dodjelu bespovratnih sredstava mogu biti mikro, mala i srednja preduzeća, obrti/preduzetnici i/ili zadruge sa uspostavljenom mrežom kooperanata/individualnih poljoprivrednih proizvođača koje se bave:

1. proizvodnjom i/ili otkupom i/ili skladištenjem i/ili plasmanom svježih poljoprivrednih i gotovih prehrambenih proizvoda; ili
2. proizvodnjom i/ili otkupom i preradom, skladištenje i plasmanom poljoprivredno-prehrambenih proizvoda.

Ukupna raspoloživa sredstva iznose do 1.8 miliona KM. Bespovratna sredstva po jednoj prijavi mogu iznositi od 50.000 KM do 150.000 KM (bez PDV-a)

Informacije o načinu popunjavanja i dostave prijave se nalaze u [Smjernicama za podnositelje prijave na javni poziv](#) . *

Krajnji rok za podnošenje prijave je ponedjeljak, 8. juni 2020. godine do 15.00

Prijave podnesene nakon isteka roka se neće uzeti u razmatranje.

Preuzmite dokumentaciju:

[Smjernice za podnositelje prijave na javni poziv](#) *

[Prilog 1: Obrazac projektnog prijedloga](#)

[Prilog 2: Pismo namjere za sufinansiranje projekta \(primjer\)](#)

[Prilog 3: Lista za provjeru dostavljene dokumentacije](#)

[Aneks 1: Budžet projekta](#)

[Aneks 2: Plan realizacije projektnih aktivnosti](#)

[Aneks 3: Informacije o kooperantima](#)

Ukoliko imate poteškoća sa preuzimanjem ili otvaranjem dokumenata/obrazaca, kao i za sva dodatna pitanja u vezi ovog poziva, možete nas kontaktirati putem elektronske pošte, sa jasno naznačenim imenom poziva u predmetu poruke, i to na sljedeću e-mail adresu: registry.ba@undp.org

ODGOVORI NA POSTAVLJENA PITANJA U VEZI JAVNOG POZIVA.

*Naknadno su urađene sljedeće izmjene u dokumentu *Smjernice za podnosiocima prijave na javni poziv* koji je objavljen 18. maja 2020. godine: dodan dio koji se tiče prihvatljivih troškova za sektor mesa (Poglavlje 2.9.1., str. 14); maksimalno dozvoljeno trajanje projekta skraćeno sa 12 na 8 mjeseci, (str. 5, 10, 11 i 16); idodana „Lična karta vlasnika/ce odnosno odgovornog lica podnosioca prijave – obična kopija“ (str. 17, Poglavlje: 3.1. Potrebna dokumentacija)

EU4Business je projekat Evropske unije kojim se nastoji ojačati kapacitet ekonomskog rasta i zapošljavanja u Bosni i Hercegovini unaprjeđenjem konkurentnosti i inovativnosti u odabranim sektorima. EU4Business je projekat vrijedan 16.1 miliona eura, od čega 15 miliona eura finansira Evropska unija, a 1.1 milion eura Savezna Republika Njemačka. Projekat zajednički provode Deutsche Gesellschaft für Internationale Zusammenarbeit (GIZ), Razvojni program Ujedinjenih nacija (UNDP) i Međunarodna organizacija rada (ILO), od aprila 2018. do marta 2022. godine. EU4Business je dio Programa strategija lokalnog razvoja – Lokalne samouprave i ekonomski razvoj u Bosni i Hercegovini koji provodi Savezno ministarstvo za ekonomsku saradnju i razvoj Republike Njemačke (BMZ).

UNDP provodi projektne aktivnosti vezane za sektor poljoprivrede i prehrambene industrije, te ruralni razvoj.

ba.undp.org